

Poziv za učešće na konferenciji

Jevreji i Bosna i Hercegovina, 1565 – 2015

Ove godine Bosna i Hercegovina obilježava 450. godišnjicu jevrejskog prisustva u zemlji. Sa zadovoljstvom objavljujemo da će u okviru obilježavanja ovog jubileja Jevrejska zajednica Bosne i Hercegovine, Jevrejska opština u Sarajevu i “La Benevolencija”, u saradnji sa Akademijom nauka i umjetnosti Bosne i Hercegovine biti domaćin međunarodne konferencije posvećene bogatom naslijeđu bosanskih Jevreja, njihovoj istoriji i doprinosu zemlji i svjetskom jevrejstvu. Konferencija će se održati u Sarajevu 12 i 13 oktobra 2015, sa glavnim ciljem da okupi stručnjake iz humanističkih znanosti koji su zainteresovani da zajedno istraže, ne ograničavajući se sljedeće oblasti:

- Jevreji Bosne i Hercegovine u Otomanskim, Austro-Ugarskim i Jugoslovenskim dokumentima,
- Rabinske response u Bosni i Hercegovini i Bosna i Hercegovina u rabinskim responsama,
- Doprinos sarajevske rabinske škole, njenih profesora i diplomanata regionalnom i svjetskom Judaizmu,
- Bosanska sefardska usmena književnost (refranero, kansionero, romanser itd),
- Lokalni utjecaj na bosansku rabinsku literature,
- Moderna književnost bosanskih jevrejskih autora, na ladinu, bosanskom, srpskom i hrvatskom jeziku,
- Jevrejske teme, motive i ličnosti u bosansko/srpsko/hrvatskoj literaturi
- Bosna i Hercegovina u jevrejskoj literaturi,
- Istorija specifičnosti bosanskog Judeo- španskog jezika,
- Sarajevo kao centar Svjetskog sefardskog pokreta,
- Dolazak i integracija Aškenaskih Jevreja,
- Materijalna kultura Jevreja Bosne i Hercegovine,
- Holokaust,
- Uloga Jevrejske zajednice i njenih institucija u ratu 1992- 1995.

Istoričari, istoričari umjetnosti, lingvisti kao i istraživači iz drugih disciplina koji smatraju ovu konferenciju korisnom, pozvani su da pošalju svoje prijedloge, u ne više od 200 riječi na jednom od zvaničnih jezika konferencije, bosanskom, hrvatskom, srpskom ili engleskom, zbog stručne i interdisciplinarne evaluacije na email adresu **benevolencija2015@gmail.com** najkasnije do 31. jula 2015. godine.

Za Akademski odbor: Prof. dr. Eliezer Papo

Za Organizacioni odbor: Jakob Finci